

Orde de YY deYY de 2008, pola que se aproban as bases reguladoras e a convocatoria dos "Premios a Experiencias Curriculares no Proxecto Climántica, 2007-2008"

Para desenvolver a dimensión educativa do Plan Galego de Acción Fronte ao Cambio Climático, a Consellería de Medio Ambiente e Desenvolvemento Sostible, en colaboración coa Consellería de Educación e Ordenación Universitaria, puxo en marcha o proxecto Climántica. Este proxecto esta a ofrecer contidos didácticos suceptibles de ser adaptados aos proxectos curriculares e as programacións didácticas dos centros educativos. Desde que este proxecto se presentou á Comunidade Educativa de Galicia o 8 de febreiro de 2007 están a aumentar o número de centros que desenvolven estas experiencias.

Na procura dunha participación activa dos centros educativos neste proxecto, estanse a realizar xornadas formativas, materiais didácticos e outras iniciativas, todas elas recollidas na páxina web do proxecto Climántica.

Esta Orde pretende fomentar a aplicación nos centros educativos de Galicia, das propostas do proxecto Climántica, mediante convocatoria de premios de carácter autonómico destinado aos centros educativos coa que se recoñeza o traballo educativo desenvolto no marco do proxecto.

Polo exposto, no uso das atribucións que me confire o artigo 34.6 da Lei 1/1983, do 22 de febreiro, reguladora da Xunta e da súa Presidencia,

DISPOÑO:

Artigo 1º.- Creación.

O obxecto desta orde é a creación dos Premios a Experiencias Curriculares no Proxecto Climántica en centros educativos sostidos con fondos públicos, así como a convocatoria da súa I Edición para o ano 2007-2008.

Artigo 2º.- Dotación económica.

1. Outorgarase ata un máximo de 50 premios, de 1.000 euros cada un, ás mellores Experiencias Curriculares no Proxecto Climántica durante o curso académico 2007-2008.

2. Os premios financiaranse con cargo á partida orzamentaria 15.04.541.E.640.1, dos orzamentos xerais da Comunidade Autónoma de Galicia para o ano 2008.

Artigo 3º.- Bases reguladoras.

A concesión dos premios tramitarase baixo o réxime de concorrencia competitiva e axustarase no seu desenvolvemento ás seguintes bases:

DISPONSE:

Primeira.- Obxecto.

Os premios obxecto desta convocatoria teñen por obxecto premiar o grao de desenvolvemento do Proxecto Climántica, promovido pola Consellería de Medio Ambiente e Desenvolvemento Sostible, nos proxectos curriculares ou programacións didácticas dos centros educativos de Galicia adheridos ao dito proxecto durante o curso 2007-2008.

Segunda.- Destinatarios.

1. Poderán participar nesta convocatoria de premios os centros educativos de Galicia de niveis non universitarios, sostidos con fondos públicos, que teñan recollido na súa Programación Xeral Anual ou actas de órganos colexiados de goberno e de coordinación docente a participación no proxecto Climántica durante o curso 2007-2008.

2. Non poderán ter condición de beneficiarios das axudas previstas nesta orde, as persoas ou entidades en que se produza algunha das circunstancias previstas no artigo 10.2º da Lei 9/2007, do 13 de xuño, de subvencións de Galicia.

Terceira.- Premios

1. Outorgaranse ata un máximo de 50 premios, de 1.000 euros cada un, ás mellores experiencias curriculares que concretan e adaptan os seus proxectos e programacións didácticas ao Plan Galego de Acción Fronte ao Cambio Climático.

2. Os premios dotaranse no seu conxunto cun máximo de 50.000 euros con cargo á partida orzamentaria 15.04.541.E.640.1 (2005-00280), dos orzamentos xerais da Comunidade Autónoma de Galicia para o ano 2008.

Cuarta.- Xestión.

A xestión dos premios a Experiencias curriculares no Proxecto Climántica 2007-2008 en centros educativos sostidos con fondos públicos, farase de acordo cos principios recollidos no apartado segundo do artigo 5 da Lei 9/2007, do 13 de xuño, de subvencións de Galicia.

Quinta.- Solicitudes.

1. As solicitudes irán dirixidas ao Conselleiro de Medio Ambiente e Desenvolvemento Sostible e deberán ser presentadas mediante modelo normalizado recollido no anexo I desta orde, de acordo con calquera dos lugares previstos polo artigo 38 da Lei 30/1992, do 26 de novembro, de

régime xurídico das administracións públicas e do procedemento administrativo común.

2. Únicamente se admitirá unha solicitude por centro.

3. No caso de que as solicitudes se envíen por correo certificado, a documentación que deberá xuntarse ao traballo terá que ser datada e cuñada polo funcionario de correos antes de ser certificada.

Sexta.- Prazo de presentación das solicitudes.

O prazo de presentación das solicitudes, de acordo co disposto no artigo 47 da Lei 16/2007, do 26 de decembro, de orzamentos da Comunidade Autónoma de Galicia para o ano 2008, será dun mes contados a partir do seguinte ó da publicación desta orde.

Sétima.- Subsanación da solicitude.

Unha vez presentada a solicitude revisarase a súa documentación e se esta non reunise os requisitos esixidos, requiriráselle ao solicitante para que, no prazo de dez días contados a partir do día seguinte ao da recepción do requirimento, emende a falta ou achegue os documentos preceptivos, indicándolle que se non o fixese, poderase considerar desistido da súa petición, arquivándoa sen máis trámites, de acordo co disposto no artigo 71.1º da Lei 30/1992, do 26 de novembro, de réxime xurídico das administracións públicas e do procedemento administrativo común.

Oitava.- Documentación que se ten que xuntar á solicitude.

1. Xunto coa solicitude presentarase a seguinte documentación (que se pode obter na páxina web desta consellería: <http://medioambiente.xunta.es/formularios.jsp>):

a) Solicitude de participación no modelo de instancia que se establece no anexo I.

b) Memoria descriptiva da experiencia curricular de desenvolvemento do "Proxecto Climántica" no centro, coa estrutura contido e características detalladas no anexo II, que deberá ser asinada polo Director do Departamento e profesores vinculados ao proxecto.

c) Unha escolma de ata cinco (5) traballos elaborados por alumnos do centro, individualmente ou en grupo, no marco do desenvolvemento do Proxecto Climántica.

d).- Unha declaración xurada ou promesa asinada polo Director do centro, segundo o modelo incluído como anexo III, facendo constar:

-Que se dispón dos permisos ou autorizacións necesarias para a publicación, distribución e uso da totalidade dos materiais escritos, sonoros ou visuais incorporados en calquera formato á memoria ou ós traballos adxuntos á mesma, así como das facultades necesarias para autorizar a realización de ditos actos por terceiros.

-Que autorízase á Consellería de Medio Ambiente e Desenvolvemento Sostible para divulgar e utilizar os citados materiais

durante un prazo máximo de dous (2) anos, contados a partir da data de resolución da concesión do premio.

-Que se dispón dos permisos e autorizacións necesarias para o emprego da imaxe dos menores de idade que, no seu caso, aparezan na memoria ou dos traballos adxuntos á mesma.

e) Certificación do secretario do centro educativo, segundo anexo IV, facendo constar:

-O acordo adoptado polos órganos colexiados de goberno e/ou órganos de coordinación docente para participar no proxecto Climántica no curso 2007-2008.

-Que os asinantes da memoria, así como os autores dos traballos son, respectivamente, docentes e alumnos do centro participante.

f) Declaración xurada doutras axudas, por parte de entidades públicas ou financiamento privado, para a mesma actividade (conforme o modelo recollido no anexo V).

Novena.- Criterios obxectivos de concesión dos premios.

A concesión dos premios a Experiencias curriculares no Proxecto Climántica en centros educativos sostidos con fondos públicos durante o ano 2007-2008, farase tendo en conta os seguintes criterios:

A).- Criterios de valoración das memorias:

1. Relevancia como modelo para aplicar noutros centros, pola claridade das explicacións sobre a planificación didáctica e educativa, polo seu valor para inspirar actividades internivelares e pola versatilidade e a eficacia coa que implica á comunidade educativa.
2. Fundamentación no marco do proxecto Climántica, que evidencie as relacións co cambio climático e coa educación ambiental, os usos que se fan dos recursos de Climántica.
3. Importancia da experiencia curricular dentro do proxecto educativo do centro para a coordinación transversal dos departamentos, para a coordinación de niveis diferentes, para organizar xornadas temáticas que impliquen a comunidade educativa e para articular a programación de determinadas materias.
4. Manifestación de aspectos innovadores na metodoloxía, no uso de recursos TIC e no tipo de respostas que mostran os estudantes nos traballos modelo presentados.
5. Claridade técnica na redacción da memoria, rigor nos resultados e conclusións da avaliación e nas valoracións e correccións dos traballos dos estudantes presentados como modelo.
6. Calidade técnica na formulación dos obxectivos, na estruturación dos contidos e no deseño das actividades e instrumentos de avaliación.
7. Presentación de recursos en diferentes formatos para describir a experiencia.

8. Implicación da comunidade educativa non académica: familias, concello e sectores sociais.

Neste apartado a valoración total acadará un máximo de catro (4) puntos, resultantes de atribuir ata 0,5 puntos, por cada un dos indicadores sinalados anteriormente.

B).- Criterios de avaliación dos traballos realizados polos alumnos:

1. Que exista unha relación clara co proxecto.
2. Orixinalidade.
3. Elaboración rigorosa.
4. Capacidade de sensibilización.
5. Grao de madurez na elaboración técnica.
6. Que se mostren relacións entre coñecementos diferentes e comprensión dos mesmos.

O conxunto dos traballos acadarán unha puntuación máxima de 6 puntos, polo tanto, a puntuación máxima de cada un dos traballos presentados será de un con dous (1,2) puntos.

2.- A puntuación mínima acadada por cada unha das solicitudes segundo os criterios establecidos no apartado primeiro deste artigo, será de catro (4) puntos, sumando os apartados A e B.

3. Unha vez establecida a orde de prelación pola comisión de valoración correspondente para cada solicitante, o criterio de reparto atenderá ás solicitudes de maior puntuación.

4. Unha vez avaliadas as solicitudes, a comisión de valoración poderá declarar desertos os premios se os proxectos non acadaran a puntuación mínima establecida. Así mesmo, no caso de que o número de participantes que acaden a puntuación mínima establecida sexa inferior a 50, os premios vacantes declararanse desertos.

Décima.- Comisión de Valoración.

1. As solicitudes presentadas para participar na I edición dos Premios a Experiencias curriculares no Proxecto Climántica en centros educativos sostidos con fondos públicos serán valorados por unha comisión de valoración con suxeición aos criterios sinalados nesta Orde.

2. A comisión de valoración estará presidida pola persoa titular da Dirección Xeral de Desenvolvemento Sostible, ou persoa en quen delegue e estará integrada polos seguintes vogais:

- a. O/a Xefe de Servizo de Educación para a Sostibilidade, da Dirección Xeral de Desenvolvemento Sostible.
- b. O/a Director do Proxecto Climántica.
- c. O/a Xefe do Servizo de Promoción da Sostibilidade, da Dirección Xeral de Desenvolvemento Sostible.

- d. Unha persoa que represente á Dirección Xeral de Ordenación e Innovación Educativa da Consellería de Educación e Ordenación Universitaria.

Cando, por calquera causa, no momento en que a comisión teña que examinar as solicitudes, algún dos seus compoñentes non puidese asistir, será substituído pola persoa que para o efecto designe a persoa titular da Dirección Xeral de Desenvolvemento Sostible.

3. A comisión de valoración concretará nun informe o resultado da avaliación efectuada, que será elevado, xunto coa proposta de resolución, ao Director Xeral de Desenvolvemento Sostible. Nesta proposta farase constar:

- Participantes admitidos.
- Puntuación atribuída a cada un deles.
- Participantes ós que se propón a concesión de premio.
- No seu caso, número de premios declarados desertos.

Undécima.- Resolución do procedemento.

1. O Director Xeral de Desenvolvemento Sostible, por delegación expresa do Conselleiro de Medio Ambiente e Desenvolvemento Sostible, é o órgano competente para resolver a I convocatoria dos Premios a Experiencias curriculares no Proxecto Climántica en centros educativos sostidos con fondos públicos.

2. A resolución do procedemento farase de xeito motivado, con suxeición aos criterios establecidos na base novena desta Orde e será notificada aos centros educativos premiados.

3. A resolución do Director Xeral de Desenvolvemento Sostible pon fin á vía administrativa e fronte á mesma, poderase interpor recurso potestativo de reposición antes este mesmo órgano ou ben, ser impugnada directamente ante o orde xurisdiccional contencioso-administrativo.

4. O prazo para a resolución da I convocatoria dos Premios a Experiencias curriculares no Proxecto Climántica en centros educativos sostidos con fondos públicos será de cinco meses, contados a partir da data de finalización do prazo de presentación da solicitudes.

En todo caso, o prazo máximo para resolver e notificar o procedemento, segundo o establecido no artigo 23.4 da Lei 9/2007, de 13 de xuño, de subvencións de Galicia, non poderá exceder de nove meses.

5. O vencemento do prazo máximo indicado sen que se ditase e notificase a resolución posibilitará que os interesados poidan entender desestimada a súa solicitude por silencio administrativo, de conformidade co disposto no artigo 23.5 da Lei 9/2007, de 13 de xuño, de subvencións de Galicia e 44.1 da Lei 30/1992, de 26 de novembro, de Réxime Xurídico das Administracións Públicas e Procedemento Administrativo Común, sen prexuízo da obriga de resolver expresamente as devanditas solicitudes, de conformidade co previsto no artigo 42 desta lei.

Duodécima.- Rexistro Público de Subvencións.

1. As resolucións de concesión de premios incluíranse no Rexistro Público de Subvencións dependente da Consellería de Economía e Facenda coa fin da ordenación e coñecemento da actividade subvencional en Galicia.
2. Os interesados terán, en calquera momento, o dereito de acceso, rectificación, cancelación e oposición dos seus datos que figuren no rexistro público de subvencións, de conformidade co establecido na Lei Orgánica 15/1999, do 13 de decembro, de protección de datos de carácter persoal.
3. A solicitude para ser beneficiario dos premios a Experiencias curriculares no Proxecto Climántica en centros educativos sostidos con fondos públicos levará implícita a autorización, no suposto de resultar premiado, para a inscrición no rexistro público de subvencións dos datos facilitados á Xunta de Galicia na súa solicitude. Non obstante, os solicitantes poderán denegar expresamente o seu consentimento a inscrición dos seus datos no rexistro público de subvencións cando concorran algunha das circunstancias previstas na letra d) do apartado 2 do artigo 15 da Lei Orgánica 15/1999, do 13 de decembro, de protección de datos de carácter persoal.

Décimo terceira.- Publicidade.

1. De conformidade co disposto no artigo 15 da Lei 9/2007, do 13 de xuño, de subvencións de Galicia, a concesión dos premios a Experiencias curriculares no Proxecto Climántica en centros educativos sostidos con fondos públicos será obxecto de publicación no Diario Oficial de Galicia, con expresión da súa convocatoria, do crédito orzamentario con cargo ao cal se aboaran estes premios, a identidade dos premiados, o importe dos premios, así como a finalidade da súa concesión.
2. Con suxeición ao establecido no artigo 13.4 da Lei 4/2006, de 30 de xuño, de transparencia e boas prácticas na administración pública galega, os premios serán obxecto de publicación na páxina web oficial da Consellería de Medio Ambiente e Desenvolvemento Sostible, especificándose o importe dos mesmos, a relación dos premiados así como as bases reguladoras dos mesmos.
3. Os centros premiados prestarán a súa autorización á Consellería de Medio Ambiente e Desenvolvemento Sostible para a publicación total ou parcial da súa memoria de execución e das súas experiencias. Así mesmo, a dirección de cada centro premiado arbitrará as medidas necesarias para que o contido da resolución de concesión do premio sexa coñecido por todos os sectores da comunidade educativa e entregará unha copia dela ao consello escolar, ao claustro, ás ANPAS e, se fora o caso, ás asociacións de alumnado.
4. Así mesmo, a Consellería de Medio Ambiente poderá, a súa libre elección durante un prazo non superior a dous (2) anos desde a resolución das correspondentes convocatorias, divulgar as obras ou traballos premiados. Se na memoria figuran os datos dos compoñentes dos equipos docentes,

grupos de traballo e estudantes, que desenvolveron a experiencia, farase constar unha lrelación nominal dos implicados, nos créditos da publicación, ademáis do nome do centro.

Décimo cuarta. Pagamento dos premios.

1. O pagamento do importe correspondente aos premios farase por transferencia bancaria á conta do centro especificada na solicitude de participación.

2. Os centros destinatarios dos premios teñen a obriga de facilitar toda a información que lles sexa requirida pola Intervención Xeral da Xunta de Galicia, polo Tribunal de Contas e polo Consello de Contas no exercicio das súas funcións de fiscalización e control do destino das axudas.

3. Así mesmo, segundo o establecido no artigo 15.4º do Decreto 287/2000, do 21 de novembro, o beneficiario deberá incluír necesariamente no momento do pagamento unha declaración complementaria do conxunto de axudas solicitadas, tanto as aprobadas ou concedidas como as pendentes de resolución, das distintas administracións públicas competentes ou das súas entidades vinculadas ou dependentes.

Décimo quinta.- Modificación da resolución

Toda alteración nas condicións tidas en conta para a concesión da subvención e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderá dar lugar á modificación da resolución da concesión, de acordo co disposto no artigo 17.4 da Lei 9/2007, do 13 de xuño, de subvencións de Galicia.

Décimo sexta.- Compatibilidade.

Os premios a Experiencias curriculares no Proxecto Climántica en centros educativos sostidos con fondos públicos serán compatibles con outras subvencións de calquera outra Administración pública ou de entes públicos ou privados, nacionais ou da Unión Europea para as mesmas finalidades, con suxeición en todo caso ao disposto na citada Lei 9/2007, do 13 de xuño.

Décima Sétima.- Infraccións e sancións administrativas.

1. Constitúen infraccións administrativas no procedemento de concesión dos premios a Experiencias curriculares no Proxecto Climántica en centros educativos sostidos con fondos públicos, as sinaladas no Título IV da Lei 9/2007, do 13 de xuño, de subvencións de Galicia, as cales serán sancionadas de conformidade co disposto na devandita lei.

2. O órgano competente para impoñer sancións polas infraccións cometidas dentro do procedemento de concesión dos premios a Experiencias curriculares no Proxecto Climántica en centros educativos sostidos con

fondos públicos, é o Conselleiro de Medio Ambiente e Desenvolvemento Sostible.

Décimo Oitava.- Reintegro dos premios.

1. Procederá o reintegro total dos premios concedidos no suposto de que os centros educativos premiados incumprisen as condicións ou os méritos tidos en conta para a concesión da I convocatoria dos premios a Experiencias curriculares no Proxecto Climántica en centros educativos sostidos con fondos públicos.

2. O Conselleiro de Medio Ambiente e Desenvolvemento Sostible é o órgano competente para resolver o procedemento de reintegro destes premios que se rexerá polas disposicións xerais sobre procedemento administrativos contidas no título VI da Lei 30/1992, de 26 de novembro, de réxime xurídico das administracións públicas e do procedemento administrativo común, sen prexuízo das especialidades recollidas no capítulo II, do título II, da Lei 9/2007, do 13 de xuño, de subvencións de Galicia.

Disposición adicional Única

Delégase no director xeral de Desenvolvemento Sostible o exercicio da competencia para conceder ou denegar os premios obxecto desta orde, contida na súa base undécima, consonte ao disposto no artigo 13 da Lei 30/1992, do 26 de novembro, de réxime xurídico das administracións públicas e do procedemento administrativo común.

Disposicións finais

Primeira.-

Facúltase ao Director Xeral de Desenvolvemento Sostible para ditar todas as resolucións necesarias para o desenvolvemento e aplicación do disposto nesta orde.

Segunda.-

Esta orde entrará en vigor o día seguinte ao da súa publicación no Diario Oficial de Galicia.

Santiago de Compostela, de de 2008

O Conselleiro de Medio Ambiente e Desenvolvemento Sostible
Manuel Vázquez Fernández